

REFERAT UIA - Utoqqarnik Isumassuinernullu Ataatsimiititaq d. 11-08-2025

Mødedato Mandag d. 11. august 2025 kl. 19:00

Mødested Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	6
Utoqqarnik suliassaqarfimmi killiffik, januaari-juuni 2025.....	8
Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarneq.....	10
2025-mi kvartaalit aappaanni pissaanermik atuisimaneq pillugu nalunaarutininik ilisimatitsissut.....	12
Kajumissuseq tunngavigalugu isumaginninnermi sulinermut tapiissutininik agguaanerup killiffia.....	15
Paamiut pillugit isumaqatigiissut 2025 pillugu killiffik.....	17
Utoqqarnik Isumassuinernullu Ataatsimiititap suleriaasissaata nutarternera.....	21
2025-mi Utoqqaat pillugit siunnersuisooqatigiinnut sivitsuigallarneq imaluunniit qinersineq nutaaq	23
Utoqqaat pillugit oqaaseqartartup aamma Kommuneqarfik Sermersuup akornanni attaveqatigiinn	26
Lukket.....	29
Taasariaqartut allat.....	30
Imaqarniliap akuerineqarnera.....	32

Punkt .: Saqqaa

Ilaasortat:

Nitta Lyberth-Mørch (IA)

Per Berthelsen (D)

Alex Hermansen (D)

Martha Abelsen (S)

Egon Poulsen (S)

Beslutning

Ataatsimeeqataasut:

Nitta Lyberth-Mørch (IA), Siulittaasoq

Per Berthelsen (D)

Alex Hermansen (D)

Doris J. Jensen (S) Martha Abelsen-imut sinniisuuvoq (S)

Attaveqaatitigut peqataavoq:

Egon Poulsen (S)

Ataatsimeeqataasinnaanatik nalunaartut:

Martha Abelsen (S)

Punkt .: Oqaluserisassat akuerineqarneri

Beslutning

Oqaluserisassat akuersissutigineqarput.

Punkt .: Nalunaarutit

Beslutning

Nalunaaruteqanngilaq.

Punkt 1: Utoqqarnik suliassaqarfimmi killiffik, januaari-juuni 2025

Beslutning

Ilisimatitsissut tusaatissatut tiguneqarpoq.

Bilag

Ukiup affakkuutaartumik utoqqarnik suliassaqarfimmi killiffik, januaari - juuni 2025

Utoqqarnik suliassaqarfimmi killiffik, januaari-juuni 2025

Ukiup affakkaartumik killiffik

Ilisimatitsissut

SagsID.: EMN-2025-01665

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

1. ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ataatsimiititap ulloq 8. maaji 2023-mi ataatsimiinnermini, suliassaqarfimmi ukiup affakkuutaartumik killiffissiuisarnerup ilusaata nutarterneqarnissaa, akuersissutigivaa. Matumuuna ukiup affakkaartumik killiffissiuineq januaari-juuni 2025-moortoq saqqummiunneqarpoq. Ilisimatitsissummut ilaatinneqarput ingerlatsinermi suliatigut aningaasatigullu kisitsisit pingaernerit. Aammattaaq ataatsimiinnermi Utoqqarnut suliassaqarfimmiit sinniisumik peqataasoqassaaq, ataatsimiititami ilaasortat apeqquteqarnissaminnut il.il. periarfissaqarniassammata.

Killiffik ilanngussani nassaarineqarsinnaavoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Utoqqarnik paaqqinniffiit il.il. pillugit Inatsisartut peqqussutaat nr. 11 ulloq 30. oktober 1998-imeersoq.
- Angerlarsimaffimmi ikiorteqartitsisarneq pillugu Namminersornerullutik Oqartussat nalunaarutaat nr. 32, 26. juli 1994-imeersoq
- 2021-2025-mut suleqatigiinnissamik isumaqatigiissut
- Kommuneqarfik Sermersuup Utoqqaat pillugit politikkaa 2016-2026
- Kommuneqarfik Sermersuumi utoqqaat pillugit immikkoortumut pilersaarut
- Utoqqarnik suliassaqarfimmi suliat pitsaassusissaannik allaaserisat 2024

Ilanngussat

1. Ukiup affakkuutaartumik utoqqarnik suliassaqarfimmi killiffik, januaari - juuni 2025

Punkt 2: Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarneq

Beslutning

Ilisimatitsissut tusaatissatut tiguneqarpoq.

Bilag

Utoqqaat Siunnersuisooqatigiit ulloq 30-04-2025-mi ataatsimiinnerannit imaqarniliaq

Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarneq

Ulloq 30. aprili 2025-mi ataatsimiinnermit

Ilisimatitsissut

SagsID: EMN-2023-02053

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu
Ataatsimiititamut inassuteqaatigaa:

1. ilisimatitsissut tusaatissatut tiguneqassasoq

Suliassamik saqqummiussineq

Ulloq 30. aprili 2025 Utoqqaat pillugit Siunnersuisooqatigiit ataatsimiinneranni 2024-mi utoqqarnut
suliassaqrarfiup kiliffissiorneqarneranut nalunaarusiaq misissorneqarpoq.

Tamatuma saniatigut siunnersuisooqatigiit siulittaasumit ilaasortaniillu oqaluuserisassatut
siunnersuutit, immikkoortunit saqqummiisoqarnissaa siunertaralugu ingerlatsivimmit
suliassaqrarfinnut susassaqrartunut attuumassuteqrartunut ingerlateqqinneqarsimasut, pillugit
ilisimatinneqarput. Utoqqaat pillugit Siunnersuisooqatigiit oqaluuserisassatut siunnersuutaat
tassaapput:

- Kommuneqarfik Sermersuumi pillorissaasunik timimillu sungiusaasunik
ataatsimeeqateqarnissaq
- utoqqaat napparsimmavimmi uninngareerlutik angerlartinneqartartut
- angerlarsimaffimmi ikiortit sullissinerat
- utoqqalinersiallit ataasiinnarmik saaffiginnittarfeqalernissaannut periuseq
- Utoqqaat illuata eqqaaniittut bussit tungujortut

Utoqqarnik Isumassuinerullu Ataatsimiititaq Utoqqaat pillugit Siunnersuisooqatigiinni
ataatsimiittarnerit pillugit ataavartumik ilisimatinneqartassaaq, soorluttaaq Utoqqaat pillugit
Siunnersuisooqatigiinnit imaqrniliat Kommuneqarfik Sermersuup nittartagaani tamanut
saqqummersinneqartassasut.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Kommuneqarfik Sermersuumi Utoqqaat pillugit Siunnersuisooqatigiinnut ileqqoreqqusat
- Utoqqaat pillugit Siunnersuisooqatigiit suleriaasissaat
- Kommunit aqunneqarnerat pillugu Inatsisartut inatsisaat nr. 29, 17. novembari 2017-
imeersoq

Ilanngussat

1. Utoqqaat Siunnersuisooqatigiit ulloq 30-04-2025-mi ataatsimiinnerannit imaqrniliat

Punkt 3: 2025-mi kvartaalit aappaanni pissaanermik atuisimaneq pillugu nalunaarutinik ilisimatitsissut

Beslutning

Ilisimatitsissut tusaatissatut tiguneqarpoq.

2025-mi kvartaalit aappaanni pissaanermik atuisimaneq pillugu nalunaarutininik ilisimatitsissut

Ilisimatitsissut

SagsID.: EMN-2025-00989

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Utoqqarnik Isumassuinnermullu

Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Ataatsimiititaq pissaanermik atuineq pillugu nalunaarutininik kvartalikkaartumik ilisimatinnegartarpoq, tassani paasissutissat ilisimatitsissummik nalunaaruteqarnermi immersukkat atorlugit katersorneqartarlutik. Pissaanermik atuisimaneq takussutissaliorneqartarpoq, pissaanermik atuisoqarsimanermut tunngasunik suliartoqartillugu innuttaasut sulisullu perorsaanermut tunngasunik suliartigullu eqqarsaatigineqarsinnaasunik eqqortumik iliortoqarsimaneranik uppersaatissaqarnissaq qulakkeerumallugu.

Utoqqarnut suliassaqaarfimmi nalunaarutiginninnerit

Nalunaarutigineqartut suuneri	Piffissami aprili-juuni 2025-mi amerlassusii
§ 38 - Aalajangerlugu tigummininneq imaluunniit allamukaassineq	-
§ 39 - Eqqiluutsuutitsinissamik aalajangiusimasaqarneq	4
§ 43 – Najugarisami tigummisaaneq	-
§ 40 – Ujatsiutaasamik annoraaminermik atuineq	-

Nalunaarutiginninnerik malinnaaffiginninneq

Kvartaalit aappaanni innuttaasut assigiinngitsut pingasut pissaanermik atuiffigineqarsimasut pillugit nalunaarutiginninnerit sisamaapput. Nalunaarutiginninnerit eqqiluisaarnissamut atatillugu aalajangersimannissimanermut tunngapput. Taamatulli pisoqartinnagu siumoortumik akuersissuteqartoqarnissaa pissarsiarineqarsimanngilaq. Siunissami innuttaasut eqqiluisaarnissamut atatillugu aalajangersimaneqannginnerini siumoortumik akuersissut pigineqartarnissaa Ingerlatsivimmit anguniarneqarpoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqaarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Isumaginninnermik suliassaqaarfimmi pissaanermik atuineq pillugu Inatsisartut inatsisaat nr. 8 20. november 2022-meersoq



Ilangussat
Soqanngilaq.

Punkt 4: Kajumissuseq tunngavigalugu isumaginninnermi sulinermut tapiissutinik agguanerup killiffia

Beslutning

Ilisimatitsissut tusaatissatut tiguneqarpoq.

Kajumissuseq tunngavigalugu isumaginninnermi sulinermut tapiissutinik agguaanerup killiffia

Ilisimatitsissut

SagsID.: EMN-2025-01407

Suliffeqarnermut Isumaginninnermullu ingerlatsivik - Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Utoqqarnik Isumassuiner mullu

Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivik isumaginninnikkut nammineq kajumissutsimik suliaqartunut ukiumoortumik tapiissuteqartarpoq. Peqatigiiffinnik, kattuffinnik inuilluunniit ataasiakkaat inuuniarnermikkut ajornartorsiuteqartut sammisassaqaartinnissaannut suliniuteqartunut aningaasaliissuteqarnissaq siunertaavoq.

Suliffeqarnermut Isumaginninnermullu Ingerlatsivik ukiumut marloriarluni (juunimi oktobarimilu) qinnuteqaatinik tiguneqartunik suliaqartarpoq. Suliffeqarnermut Isumaginninnermullu Ingerlatsivimmit juunip qaammataani qinnuteqaatit arfinillit tiguneqarput, taakkunanngalu tallimat akuersissutigineqarlutik:

- NSSP sammisassanut assigiinngitsunut tunineqarpoq 31.500 koruunit, tassunga ilanngullugit ilaasortat angalaarnerannut ullaakkorsiutissaannullu
- Sugisaq tunineqarpoq 33.500 koruunit, inunnut tarnikkut nappaatilinnut innarluutilinnullu ilaqutaasunut qanigisaasunullu stresser ner mut pitsaaliuineq pillugu pikkorissarnissaannut
- Sugisaq tunineqarpoq 24.000 koruunit, inunnut tarnikkut nappaatilinnut inuit innarluutilinnullu ilaqutaasunut qanigisaasunullu qaammatikkaartumik supervisionertitsisarnermut
- Sugisaq tunineqarpoq 12.000 koruunit, inuit tarnikkut nappaatillit aamma innarluutillit 12-it Qooqqunut angalaarnissaannut.
- Kangillinnguit Atuarfiat tunineqarpoq 30.000 koruunit, atuartut aningaasaqarnikkut pisariaqartitsisut ineriartuutaasumik angalanissaannut

Ingerlatsivimmit aningaasatigut sulisoqarnikkullu naliliinerit

Ukiumut tapiissutinut aningaasanut atugassatut 201.000 koruunit immikkoortinneqartarput.

Siullermeerner mi katillugit kr. 131.000 koruunit ator neqarput.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Peqatigiiffinnut isumaginninnermik suliaqartunut tapiissutinut piumasaaqatit; Inunnik isumaginninnikkut ikiuinissaq siunertaralugu kajumissutsimik suliaqartunut tapiissutit

Ilanngussat

Soqanngilaq.

Punkt 5: Paamiut pillugit isumaqatigiissut 2025 pillugu killiffik

Beslutning

Ilisimatitsissut tusaatissatut tiguneqarpoq.

Bilag

Paamiut pillugit isumaqatigiissut 2025 pillugu killiffik

Paamiut pillugit isumaqatigiissut

Ilanngussaq 1 Paamiut pillugit isumaqatigiissummut

Paamiut pillugit isumaqatigiissut 2025 pillugu killiffik

Ilisimatitsissut

SagsID.: EMN-2025-00580

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

1. ukiumoortumik killiffik pillugu ilisimatitsissut tusaatissatut tiguneqassasoq
2. Paamiuni ataqatigiissarlugu aqqissuunneqarnissaa eqqartorneqassasoq
3. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutit ingerlateqqinneqassasoq

Suliassamik saqqummiussineq

Ukiut 6-it matuma siorna 2019-imi juunimi Paamiut pillugit isumaqatigiissut Kommuneqarfik Sermersuup aamma Peqqinnissaqarfiup akornanni isumaqatigiissutigineqarpoq. Tamanna utoqqaat illuata nutaap ammarneqarneranut atatillugu pivoq, taannalu peqqissaavimmuut uiggiutaavoq. Isumaqatigiissummi inuiaqatigiit agguataarneqarnerisa sumut ineriartornerat piareersimaffigineqarnissaa siunertarineqarpoq – inuiaqatigiinni utoqqaat amerliartortut sulisinnaasullu ikiliartortut – nukiit pisortat suliffeqarfiutaanni pigineqareersut pitsaanerpaamik atorineqarnerisigut.

Isumaqatigiissummi utoqqaat illuata aamma peqqissaaviup akornanni qaninnerusumik suleqatigiinnissap pilersinneqarnissaa anguniarneqarpoq. Isumaqatigiissummut ilanngussami, suliffeqarfiit akornanni atortorineqartut sulisutigullu nukissat qanoq agguataarneqarnissaat, nassuiarneqarpoq.

Suleqatigiinnerup killiffia

Paamiut pillugit isumaqatigiissut malillugu ukiut tamaasa suleqatigiinneq pillugu killiffik ataatsimiititamut nalunaarutigineqartassaaq. Ilanngussaq 1-imi suleqatigiissutigineqartut ataasiakkaat sukumiinerusumik killiffissiorneqartarnerat takujuk.

Kingullermik 2024-mi aprilimi killiffissiuinermiit suleqatigiinnermi annerusumik allannguuteqaranilu siuarateqartoqarsimangilaq. Ataatsimut isigalugu isumaqatigiissutip atuutilersinneqarnera najukkami suleqatigiinnermik unammillernartortaqaarsimavoq, tamannalu ungasianiit Nuummiit aqunniarneqarnera ajornakusoorsimavoq.

Suleqatigiinneq annerusumik najugaqartut peqqissaavimmi aamma utoqqaat illuanni aqutsisut akornanni paarlakaannerujussuarmik unammillerneqarsimavoq. Utoqqaat illuanni aqutsisut 2023-mi septembarimiit aalaakkaasimapput, peqqissaavimmilu aamma naatsorsuutigineqarpoq 2025-mi maajimi aqutsisup nutaap atorfinitsinneqarneratigut siunissami aqutsisut aalaakkaanerulernissaat.

Manna tikillugu suliassaqarfiit tulliuuttut suleqatigineqalerput. Suliniutaareersut ataasiakkaat ajornartorsiorfiusimapput, pingaartumik illuni nerisassanik pajuttuinnermi kinguaattoorfiusuni pajuttoqanngikkaangalluunniit.

Suliniut

Sillimasuusoq

Iluaqusersuutinik attartortitsineq

Terapeut marluussa

Tunniussisoq

Peqqinnissaqarfik

Marluullutik

Marluullutik

Tiguisoq

Kommune

Marluullutik

Marluullutik

<i>Nerisassanik pajunneq</i>	Peqqinnissaqarfik	Kommune
<i>Igaffik nerisassallu</i>	Kommune	Peqqinnissaqarfik
<i>Eqqiaaneq</i>	Kommune	Peqqinnissaqarfik
<i>Errorsivik</i>	Kommune	Peqqinnissaqarfik
<i>Nakorsaasersuineq</i>	Peqqinnissaqarfik	Kommune

Pedelit suliassaaniq utoqqaallu illuanni sulisunik ilinniartitsineq pillugit suleqatigiinneq suli ingerlallualinngillat, suliniutillu arlariuullutik utoqqaat illuannut iluaqutaasussaapput. Suliassanik taakkuninnga peqqinnissaqarfiup tigusinissaa isumaqatigiissummi aningaasartuutitut tunngasunut pingaaruteqartuuvoq. Illuatungeriinnili ungasianiit aqutsineq unammillernartoqarsimavoq. Pingaartumik pedelip suliassaasa tunniunneqarnerat unammillernartoqarsimavoq, utoqqaat illuata igitassanik imaarsisarneq atortussanillu immeeqqittarneq naammassineqarneq ajortut misigisarpa.

Paamiut pillugit isumaqatigiissummi suleqatigiissuteqarfigineqartussat ilai ataasiakkaat piviusorsiorunnaangikkunik naleqqukkunnaarput. Taassaapput ataatsimoorussamik unnuarsiortarnermik, paarlakaajaannermik inissiallu pillugit aqqissuussinermik pilersitsineq. Taamaattumik siunissami suliassaqarfiit taakkua ingerlanneqassanngillat.

Siunissami suleqatigiisutissat

Suliffeqarnermik Isumaginninnermillu Ingerlatsivik peqqinnissaqarfik suleqatigalugu pedelit suliassaannik tunniussinissamut nutaamik pilersaarusiortut aamma utoqqaat illuanni sulisunik aalajangersimasumik ilinniartitsinerup pilersinneqarnissaa pillugu. Isumaqatigiisutigineqarpoq Nuummi aqutsisut sumiiffimmi aqutsisunik qaninnerusumik malinnaanissaat pillugu, tamatumani siumut ingerlalluarnissaq suleqatigiinnermilu ajornartorsiutaasinnaasunik aaqqiissuteqartoqartarnissaa qulakkeerneqassaaq.

Tamatuma saniatigut Ingerlatsivimmit kommunimi nunap immikkoortuata kujataani pisortaa akuutinneqassaaq, najukkami aqutsineq pitsaanerulersinniarlugu aamma isumaqatigiisutit sumiiffimmi ataqatigiissarluarniarlugu. Nalilernerqarpoq, utoqqaat illuata aamma peqqissaaviup akornanni aqqiagiinngissutit suleqatigiinnerlu pillugit unammillernartut sukkanerusumik aqqiivigissagaanni sumiiffimmi ersarinnerusumik aqutsineq pisariaqartuusoq. Tamanna kommunip aqqissuussaananeramik allannguutitut kingullernut aamma siammarterinerup ingerlanneqarneranut naapertuuppoq, 2025-mut missingersuutit pillugit isumaqatigiisut aamma kommunalbestyrelsimut 2024-mi 8. oktobari ilisimatitsissut malillugit.

Suleqatigiinnerup killiffianik ataatsimiititap tulliani ilisimatinneqassaaq 2026-mi upernaakkut.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiortarnermut Naatsorsuusiortarnermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Paamiut pillugit isumaqatigiisut aamma Paamiut pillugit isumaqatigiissummut Ilanngussaq 1
- Peqqinnissamut Naalakkersuisoqarfiup aamma Kommuneqarfik Sermersuup akornanni peqqinnissamut tunngasunik suleqatigiinnissamik isumaqatigiisut.
- Utoqqarnik suliassaqarfiimmut tunngasunik immikkoortumut pilersaarut 2024-2028



Ilannussat

1. Paamiut pillugit isumaqatigiissut 2025 pillugu killiffik
2. Paamiut pillugit isumaqatigiissut
3. Ilannussaq 1 Paamiut pillugit isumaqatigiissummut

Punkt 6: Utoqqarnik Isumassuinernullu Ataatsimiititap suleriaasissaata nutarternera

Beslutning

Inassuteqaat akuersissutigineqarpoq.

Bilag

2025-2029 Forretningsorden for UIA_KAL.docx

Kommunalbestyrelsep aalajangenera 5. oktobari 2021-meersoq

Utoqqarnik Isumassuinernullu Ataatsimiititap suleriaasissaata nutarternera

Aalajangiiffigisassaq

SagsID: EMN-2024-03409

Pisortaqatigiit Allatseqarfiat – kommunaldirektøri Ole Jakobsen / OJAK

Inassuteqaat

Pisortaqatigiit Allatseqarfianit Utoqqarnik Isumassuinernullu Ataatsimiititamut inassuteqaatigineqarpoq:

1. Suleriaasissaq nutartigaq akuersissutigineqassasoq

Suliassamik saqqummiussineq

Utoqqarnik Isumassuinernullu Ataatsimiititap suleriaasissaanut ilanngussat makku pineqarput:

- § 2, imm. 6-imut ilassut ataatsimiititami siulittaasoq ataatsimiititap ataatsimiinnerini najuulluni peqataanissamut periarfissaqartoq aamma angalanernut ineqarnernullu aningaasartuuteqassappat kommunip aningaasartuutit isumagissagai.

Tunngavilersuut: Aalajangerneq Kommunalbestyrelsimi ulloq 5. oktobari 2021-mi pivoq.

- § 6, imm. 2-mut naqqiut siulittaasup peqannginnerani siulittaasup tullia ataatsimiinneq aqussagaa.

Ataatsimiititap sulinerata erseqqissuunissaa qulakkeerniarlugu kiisalu siulittaasup peqataanera pillugu Kommunalbestyrelsip aalajangernera erseqqissuutinniarlugu, allannguutit suliarineqarput.

Ingerlatsivimmit aningaasatigut sulisoqarnikkullu naliliinerit

Suleriaasissap nutarterneqarnera aningaasatigut nukissatigulluunniit kinguneqanngilaq.

Missingersuusionerimut Naatsorsuusionerimullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Kommunalbestyrelsip aalajangernera 5. oktobari 2021-meersoq

Ilanngussat

1. Utoqqarnik Isumassuinernullu Ataatsimiititap suleriaasissaa, aggusti 2025
2. Kommunalbestyrelsip aalajangernera 5. oktobari 2021-meersoq

Punkt 7: 2025-mi Utoqqaat pillugit siunnersuisooqatigiinnut sivitsuigallarneq imaluunniit qinersineq nutaaq

Beslutning

Inassuteqaat 1 akuerineqarpoq.

2025-mi Utoqqaat pillugit siunnersuisooqatigiinnut sivitsuigallarneq imaluunniit qinersineq nutaaq

Aalajangiiffigisassaq

SagsID: EMN-2023-02053

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Utoqqarnik Isumassuinnermullu

Ataatsimiititamut inassuteqaatigineqarpoq:

1. 2025-p ukiaanerani Utoqqaat pillugit siunnersuisooqatigiinnut nutaamik qinersititsinissaq akuersissutigineqassasoq imaluunniit
2. maannakkut Utoqqaat pillugit siunnersuisooqatigiit atuukkallartut ingerlaqqiinnarallarnissaat akuersissutigineqassasoq

Suliassamik saqqummiussineq

Suliffeqarnermut Isumaginninnermullu Ataatsimiititamit ulloq 3. decembari 2024-mi Utoqqaat pillugit siunnersuisooqatigiit ilaasortaanerat sivitsorneqarallassasoq akuersissutigaat. Utoqqaat tapersorneqartarnerat pillugu Inatsisartut inatsisaannut siunnersuut Inatsisartuni suliarineqarnera taamatut aalajangernermut pissutaavoq. Piffissami tassani inatsisartut inatsisaat ulloq 1. januaari 2026-mi atuutilernissaa naatsorsuutaavoq, taamaalilluni siunnersuisooqatigiit atuunnerat ukiup affaata missaani sivitsorneqarpoq.

Inatsisissatut siunnersuummi siunnersuisooqatigiit katitigaanerata allanngortinneqarnissaa siunertaavoq. Suliffeqarnermut Isumaginninnermullu Ataatsimiititamit inatsisip atuutilernissaata tungaanut sivitsuigallarneq iluaqutaasussatut nalilerneqarpoq, taamaalilluni siunnersuisooqatigiinni qinersineq inatsisinut aalajangersakkat nutaat malillugit ingerlanneqassalluni. Utoqqaat pillugit Siunnersuisooqatigiinnut ileqqoreqqusaq malillugu ilaasortat atuuffiat kommunalbestyrelsip qinigaaffia malillugu atuuttarpoq, taamaattumik kommunimut qinersisoqarnerani siunnersuisooqatigiinnut qinersisoqartussaagaluarpog. Taamatutaaq inatsimmut nutaamut ikaarsaariarnermut sivitsuineq ataqatigiissitsillunilu inatsisissatut siunnersuut tunngavigalugu nutaamik ileqqoreqqusamik suliaqarnermi siunnersuisooqatigiit peqataatinneqarnissaat periarfissaassaaq.

Ulloq 11. marsi 2025-mi Inatsisartunut qinersinerup kingorna inatsisissatut siunnersuutip suliarineqarnera unitsinneqarpoq. Utoqqaat tapersorneqarnissaat pillugu inatsisissatut siunnersuut nutaaq 2026-mi Inatsisartut upernaakkut ataatsimiinneranni suliarineqarnissaa naatsorsuutaavoq. Inatsit nutaaq qaqugu atuutilissanersoq kiisalu siunnersuisooqatigiit katitigaaneranut assingusumik allannguuteqartoqassanersoq suli nalunarpoq.

Utoqqarnik Isumassuinnermullu Ataatsimiititamit siunnersuisooqatigiit ilaasortaaffiat sivitsorneqarnissaa attanneqassasoq aalajangerneqarpat, utoqqaat pillugit inatsisip nutaap akuersissutigineqarneranut atatillugu nutaamik qinersisoqassaaq. Tamanna 2026-mi 2027-miluunniit pisinnaavoq. Taamatutaaq 2029-mi kommunimut qinersisoqarneranut atatillugu Utoqqaat pillugit siunnersuisooqatigiinnut qinersisoqassaaq. Maannakkut Siunnersuisooqatigiinnut atuuttut ikaarsaariarnermi ingerlaannarsinnaallutik sionatigut oqaatigereerpaat. Utoqqarnik Isumassuinnermullu Ataatsimiititamit utoqqaat pillugit inatsisip akuersissutigineqannginnerani Utoqqaat pillugit siunnersuisooqatigiinnut qinersinissaq aalajangerneqassappat 2025-mi ukiakkut qinersisoqassaaq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusionermut Naatsorsuusionermullu Immikkoortortamit aningaasatigut nalililneq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommuneqarfik Sermersuumi Utoqqaat pillugit siunnersuisooqatigiinnut ileqqoreqqusat
- Utoqqaat pillugit siunnersuisooqatigiit suleriaasissaat
- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq

Ilanngussat

Ilanngussaqaanngilaq.

Punkt 8: Utoqqaat pillugit oqaaseqartartup aamma Kommuneqarfik Sermersuup akornanni attaveqatigiinnermut atortut pillugit suleqatigiinnissamik isumaqatigiissut

Beslutning

Inassuteqaat akuersissutigineqarpoq.

Bilag

Utoqqaat pillugit oqaaseqartartumik attaveqatigiinnikkut atortut pillugit suleqatigiinnissamik isumaqatigiissut



Utoqqaat pillugit oqaaseqartartup aamma Kommuneqarfik Sermersuup akornanni attaveqaqatigiinnermut atortut pillugit suleqatigiinnissamik isumaqatigiissut

Aalajangiiffigisassaq

SagsID.: EMN-2025-02085

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

1. utoqqaat pillugit oqaaseqartartumik suleqateqarnissamik isumaqatigiissuteqarneq akuerineqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Inuiaqatigiinni utoqqaat amerliartuinnarnerisigut innuttaasunut utoqqarnut annerusumik attaveqaqateqarnissaaq aamma annerulersarpoq. Kalaallit Nunaata isorartunerata aamma kommunimi ungasissutsit pissutigalugit ornigulluni oqaloqateqarnissamat periarfissat killeqarput.

Taamaattumik Utoqqaat pillugit oqaaseqartartoq aamma Kommuneqarfik Sermersooq suleqatigiinnissamik isumaqatigiissusiorput utoqqaat pillugit oqaaseqartartoq aamma kommunimi Nuup avataani innuttaasut utoqqaat akornanni digitalikkut attaveqaqatigiinnerup pitsaanerulersinneqarnissaa siunertaralugu. Isumaqatigiissutikkut kommunimi illoqarfinni mikinerusuni inoqarfinnilu utoqqaat tusaaneqarnissaminut periarfissagissaarnerulissapput utoqqarnillu isumassuineramik pilersaarusiormi isummatik pillugit akuutinneqarnerulissapput.

Isumaqatigiissummi aalajangersarneqarpoq, kommune ininik digitalimillu atortorissaarutininik piareersimasuuteqartassasoq, utoqqaat utoqqaat pillugit oqaaseqartartumik digitalikkut ataatsimiinnermi peqataasinnaaqullugit. Ataatsimiinnerit kingornisigut utoqqaat pillugit oqaaseqartartoq paasissutissanik nalinginnaasunik inerniliunneqartunillu kommunimut ilisimatitsisassaaq.

Suleqatigiinnissamik isumaqatigiissut suliarineqarmat nunat immikkoortuini pisortat tusaaneqarput. Pisortallu taakku akisussaaffigissavaat qulakkiissallugu kommune isumaqatigiissummut tunngatillugu pisussaaffimminik naammassinninnissaa.

Ingerlatsivimmit aningaasatigut sulisoqarnikkullu naliliinerit

Isumaqatigiissummut atasunik aningaasartuuteqanngilaq – ataatsimiinnermi sutugassat saniatigut – atortut pigineqareersut atorneqannginnerat aamma sulisut sulinerisa nalaanni pisussaana tunngaviummat.

Missingersuusiormut Naatsorsuusiormullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaaq allakkallu tunngaviusumik uppernarsaatillit

- Utoqqaat pillugit politikki
- Utoqqarnik suliassaqarfimmut tunngasunik immikkoortumut pilersaarut 2024-2028



- Innuttaasuni peqataatitsinissaq pillugu periusissiaq

Ilangussat

1. Utoqqaat pillugit oqaaseqartartumik attaveqaqatigiinnikkut atortut pillugit suleqatigiinnissamik isumaqatigiissut

Punkt T: Lukket

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 16.43.

